

**BOSNA I HERCEGOVINA FEDERACIJA  
BOSNE I HERCEGOVINE ZENIČKO-  
DOBOJSKI KANTON  
GRAD ZENICA  
Vijeće grada Zenica**

**OBRAĐIVAČ:  
Služba za privredu, gradsku  
imovinu i upravljanje razvojem**

**PROGRAM  
MJERA ZA UTROŠAK PODSTICAJNIH SREDSTAVA  
NAMIJENJENIH ZA OBLAST PRIVREDE U 2023. GODINI**

**Zenica, mart 2023. godine**

Na osnovu člana 13. stav (2), alineja (3) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 9. Zakona o poticaju razvoja male privrede („Službene novine Federacije BiH“, broj: 19/06), člana 21. tačka 5. Statuta Grada Zenica ("Službene novine Grada Zenica", broj: 5/15), člana 36. Poslovnika Gradskog vijeća ("Službene novine Grada Zenica", broj: 4/17) i Budžeta grada Zenica za 2023. Godinu („Službene novine Grada Zenica“, broj: 2/23), Gradsko vijeće na \_\_\_\_ sjednici, održanoj dana \_\_\_\_\_ 2023. godine, donosi

**PROGRAM**  
**mjera za utrošak podsticajnih sredstava**  
**namijenjenih za oblast privrede u 2023. godini**

## **I UVOD**

Program mjera za utrošak podsticajnih sredstava namijenjenih za oblast privrede u 2023. godini na području Grada Zenica (u daljem tekstu: Program) je provedbeni akt Grada Zenica koji osigurava da se planirana sredstva Budžeta Grada Zenica za 2023. godinu koriste na transparentan, specifičan i mjerljiv način u vremenski određenom periodu s namjerom da se kroz podsticaj doprinese, rastu i razvoju obrtničke i preduzetničke djelatnosti i omogućiti poboljšanje ukupnog životnog standarda na području Grada Zenica (u daljem tekstu: Grad).

Ovim Programom, uređuju se svrha i ciljevi Programa, korisnici i nosioci za provedbu Programom predviđenih aktivnosti, te uslovi za dodjelu sredstava.

Program će obezbijediti podsticaje za sufinansiranje projekata (poslovnih ideja) i zahtjeva obrtnika/preduzetnika koji su ranije registrovani na području Grada ili imaju namjeru da se registruju nakon objave ovog Programa odnosno Javnog poziva.

Zahtjevi/aplikacije se podnose u skladu s procedurama predviđenim Programom, te Javnim pozivom i na propisanim obrascima.

Svrha ovoga Programa je stvaranje povoljnog poslovnog okruženja za djelovanje preduzetnika i obrtnika.

Ciljevi ovoga Programa su:

- povećanje broja novootvorenih firmi i obrta,
- kreiranje novih radnih mjesta,
- zapošljavanje nove radne snage,
- ekonomsko osnaživanje žena i promocija ženskog preduzetništva,
- unapređenje samozapošljavanja i zapošljavanja, te poboljšanje općih uslova za razvoj konkurentnosti obrta, mikro i malih preduzeća na području Grada,
- razvoj preduzetništva mladih temeljenog na znanju i inovacijama.

## **II PERIOD REALIZACIJE PROGRAMA**

Sredstva namijenjena za podsticaj unapređenja privrede kroz razvoj zapošljavanja i jačanje konkurentnosti privrede realizovat će se u periodu od dana donošenja ovog Programa do 31.12.2023. godine.

### III IZVORI SREDSTAVA ZA PROVOĐENJE PROGRAMA

Potrebna sredstva za provođenje ovog Programa planirana su Budžetom Grada za 2023. godinu usvojenog na sjednici Gradskog vijeća održanoj 08.02.2023. godine („Službene novine Grada Zenica“, broj: 2/23), Služba za privredu, gradsku imovinu i upravljanje razvojem, ekonomski kod 614500-96 Transferi privatnim preduzećima (sufinansiranje projekata, finansiranje obrta i preduzetništva) u iznosu od 300.000,00 KM.

### IV KORISNICI

Korisnici sredstava iz ovoga Programa mogu biti mikro i mali subjekti male privrede definisani članom 4. Stav (1), Tačka a), b) i c) Zakona o podsticanju razvoja male privrede („Službene novine Zeničko-dobojskog kantona“, broj: 7/2016), a koji su registrovani u skladu sa Zakonom o privrednim društvima („Službene novine Federacije BiH“, broj: 81/15) ili u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 14/11) i Zakonom o ugostiteljskoj djelatnosti FBiH („Službene novine Federacije BiH“, broj: 32/09) i Zakonom o ugostiteljskoj djelatnosti Zeničko-dobojskog kantona („Službene novine ZDK, broj: 05/2016), i to:

- koji su ili će biti registrovani kao matično preduzeće/obrt na području Grada Zenica i obavljati djelatnost na području Grada Zenica,
- koji su privatnom vlasništvu,
- koji imaju ili će imati najmanje jednog zaposlenog,
- koji nemaju evidentiran dug prema Gradu Zenica po bilo kom osnovu,
- koji obavljaju proizvodnu, proizvodno-uslužnu i uslužnu djelatnost, kao pretežnu djelatnost,
- koji su u većinskom vlasništvu državljana BiH (minimalno 51%).

Korisnici ovog programa su i nezaposlene osobe koje se vode na evidenciji JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u Gradu.

Podnosilac zahtjeva za podsticaj može aplicirati samo na jednu od mjera Programa.

Pravo učešća na podsticaj po osnovu Programa **ne mogu ostvariti** sljedeći korisnici:

- fizička lica registrovana ili imaju namjeru registrovati dopunsku djelatnost;
- fizička lica koja su od Grada Zenica ostvarila podsticaj, registrovala pa odjavila djelatnost;
- subjekti koji su u posljednja 24 mjeseca prije objave Javnog poziva obavljali istu ili sličnu djelatnost, i istu su odjavili;
- subjekti registrovani ili imaju namjeru registrovati bilo koju poljoprivrednu djelatnost (apliciraju na drugi program);
- finansijske institucije;
- subjekti registrovani ili imaju namjeru registrovati djelatnost igara na sreću i kasina;
- subjekti koji obavljaju ili imaju namjeru registrovati djelatnost trgovine (trgovačke radnje, trgovac pojedinac i sl.);
- advokati i notari;
- javne ustanove;
- subjekti koji obavljaju ili imaju namjeru registrovati zdravstvenu djelatnost;
- javni prevoz putnika i autoškole;
- subjekti koji su koristili podsticaj Grada u 2020., 2021., 2022. ili 2023. godini.

Prilikom definisanja kriterija za odabir kandidata prednost će imati mlade osobe (osobe do 35 godina starosti), osobe koje se nalaze na evidenciji JU Služba za zapošljavanje ZDK duže od 12 mjeseci i imaju status osobe sa invaliditetom ili zapošljava lica sa invaliditetom.

U slučaju da dva ili više aplikanta ostvare isti broj bodova, prednost odabira korisnika po osnovu ovog Programa imat će kandidati koji nisu koristili podsticajna sredstva Grada Zenica, mlade osobe (osobe do 35 godina starosti), koji zapošljavaju lica sa invaliditetom i članovi šehidskih porodica i poginulih boraca.

## **V NOSILAC PROGRAMA**

Nosilac provedbe ovoga Programa je Služba za privredu, gradsku imovinu i upravljanje razvojem, koja će jednom godišnje za prethodnu godinu sačiniti Informaciju o realizaciji Programa te istu dostaviti Gradskom vijeću na razmatranje.

## **VI MJERE**

Program podrazumijeva realizaciju sljedećih mjera:

<b>Mjera</b>	<b>Naziv mjere</b>	<b>Planirani iznos u 2023.godini (u KM)</b>
<b>1.</b>	<b>Podsticaj za "Moj prvi biznis u Gradu Zenica – START UP"</b>	100.000,00
<b>2.</b>	<b>Podsticaj razvoja postojećih obrta, mikro i malih preduzeća</b>	140.000,00
<b>3.</b>	<b>Podsticaj za jačanje i razvoj ženskog preduzetništva</b>	50.000,00
<b>4.</b>	<b>Podsticaj za tradicionalne zanate</b>	10.000,00
<b>UKUPNO:</b>		<b>300.000,00</b>

## VII OPIS MJERA

<b>Mjera 1.</b>	<b>Podsticaj za "Moj prvi biznis u Gradu Zenica – START UP"</b>
Cilj	<ul style="list-style-type: none"> <li>- podsticajem je predviđeno sufinansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon <b>01.10.2022. godine</b></li> </ul>
Namjena	<ul style="list-style-type: none"> <li>- subvencija doprinosa za zaposlenu/samozaposlenu osobu za najviše 12 mjeseci poslovanja,</li> <li>- kupovina mašina, alata i opreme za obavljanje djelatnosti (nova oprema):</li> <li>a) <u>frizerski saloni i saloni za uljepšavanje sredstva mogu koristiti samo za nabavku profesionalne frizerske/kozmetičke stolice).</u></li> <li>b) <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara ( namještaj).</u></li> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti,</li> <li>- troškovi registracije poslovnog subjekta (osim osnivačkog kapitala).</li> </ul>
Korisnici	<ul style="list-style-type: none"> <li>- početnici koji su registrovali obrt ili društvo sa ograničenom odgovornošću nakon <b>01.10.2022. godine</b>, sa matičnim sjedištem na području grada Zenice,</li> <li>- aplikantima će biti osiguran trening iz oblasti preduzetništva, koji se sastoji od 2 modula (generisanje poslovne ideje i započni svoj posao sa pisanjem poslovnog plana). Trening će izvršiti Zenička razvojna agencija ZEDA .</li> </ul>
Napomena	<b>maksimalan iznos subvencije 5.000,00 KM</b>
<b>Planiran iznos</b>	<b>100.000,00 KM</b>
<b>Mjera 2.</b>	<b>Podsticaj razvoja postojećih obrta, mikro i malih preduzeća</b>
Cilj	<p><b>Podsticaj za nabavku osnovnih sredstava i opreme</b></p> <ul style="list-style-type: none"> <li>- stvaranje preduslova za očuvanje postojećih i otvaranje novih radnih mjesta,</li> <li>- povećanje nivoa produktivnosti i konkurentnosti - nabavka osnovnih sredstava i opreme</li> </ul>
Namjena	<ul style="list-style-type: none"> <li>- kupovina mašina, alata i opreme za obavljanje djelatnosti (nova oprema);</li> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti.</li> </ul>
Korisnici	<ul style="list-style-type: none"> <li>- postojeći obrti, mikro i mala preduzeća</li> </ul>

Napomena	<ul style="list-style-type: none"> <li>- Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije.</li> </ul> <p><b>Iznos subvencije zavisi od veličine privrednog subjekta i to kako slijedi:</b></p> <ul style="list-style-type: none"> <li>- subvencija za mikro privredne subjekte iznosi do 50 % od ukupne investicije za koju se podnosi zahtjev ,</li> <li>- subvencija za male privredne subjekte iznosi do 35 % od ukupne investicije za koju podnosi zahtjev,</li> <li>- <b>maksimalan iznos subvencije 5.000,00 KM</b></li> <li>- <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske/kozmetičke stolice),</u></li> <li>- <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara ( namještaja)</u></li> </ul>
Planiran iznos	<b>140.000,00 KM</b>
Mjera 3.	<b>Podsticaj za jačanje i razvoj ženskog preduzetništva</b>
Cilj	a) podsticanje preduzetničkih aktivnosti žena te promocija ženskog preduzetništva, ekonomsko osnaživanje žena uključivanjem u preduzetničke aktivnosti
Namjena	b) kupovina mašina, alata i opreme za obavljanje djelatnosti (nova oprema), <ul style="list-style-type: none"> <li>- kupovina informatičke opreme za rad (osim laptopa),</li> <li>- kupovina specijaliziranih softverskih licenci neophodnih za obavljanje osnovne djelatnosti</li> </ul>
Korisnici	c) postojeći obrti, mikro i mali subjekti male privrede čiji je vlasnik ili menadžer/direktor žena
Napomena	d) Aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije <p><b>Iznos subvencije zavisi od veličine privrednog subjekta i to kako slijedi:</b></p> <ul style="list-style-type: none"> <li>- subvencija za mikro privredne subjekte iznosi do 50 % od ukupne investicije za koju se podnosi zahtjev ,</li> <li>- subvencija za male privredne subjekte iznosi do 35 % od ukupne investicije za koju podnosi zahtjev,</li> <li>- <b>maksimalan iznos subvencije 5.000,00 KM</b></li> <li>- <u>frizerski saloni i saloni za uljepšavanje podsticaj mogu koristiti samo za nabavku profesionalne frizerske/kozmetičke stolice),</u></li> <li>- <u>subjekti koji se bave ugostiteljstvom podsticaj mogu koristiti za nabavku mašina i opreme za obavljanje djelatnosti, izuzev mobilijara ( namještaja)</u></li> </ul>
Planiran iznos	<b>50.000,00 KM</b>
Mjera 4	<b>Podsticaj za tradicionalne zanate</b>
Cilj	- stvaranje preduslova za očuvanje tradicionalnih zanata, - povećanje nivoa produktivnosti i konkurentnosti - nabavka osnovnih sredstava/ opreme
Namjena	e) kupovina mašina, alata i opreme za obavljanje djelatnosti (nova oprema); f) nabavka repromaterijala neophodni za obavljanje djelatnosti; g) subvecioniranje poreza i doprinosa.

<b>Korisnici</b>	h) postojeći registrovani tradicionalni zanati na području Grada Zenica
<b>Napomena</b>	<b>i) maksimalan iznos subvencije 1.000,00 KM</b>
<b>Planiran iznos</b>	<b>10.000,00 KM</b>

## VII REALIZACIJA PROGRAMA

Za provođenje Mjera ovog Programa, Služba za privredu, gradsku imovinu i upravljanje razvojem će definisati kriterije i raspisati Javni poziv.

Postupak po Javnom pozivu provest će Komisija koju će imenovati Gradonačelnik. Komisija će biti sačinjena od predstavnika Službe za privredu, gradsku imovinu i upravljanje razvojem, Zeničke razvojne agencije ZEDA d.o.o. Zenica i Udruženja poslodavaca Zenica.

Komisija će nakon provedenog Javnog poziva izvršiti vrednovanje i rangiranje pristiglih prijava, te sačiniti Zapisnik i Preliminarnu listu kandidata koji ispunjavaju propisane uslove i istu će javno objaviti na Oglasnoj ploči Grada Zenica i na web-stranici Grada Zenica, o čemu će izvestiti Gradonačelnika.

Učesnici Javnog poziva, koji su nezadovoljni provođenjem postupka i rangiranjem na Preliminarnoj listi mogu u roku od 8 dana od dana objavljivanja Preliminarne liste, uložiti prigovor Gradonačelniku.

Gradonačelnik, nakon razmatranja eventualnih prigovora i provedenog postupka po Javnom pozivu, obaveštava podnosiocima prigovora i donosi Konačnu listu kandidata koji ispunjavaju propisane uslove javnog poziva, a koja će se javno objaviti na Oglasnoj ploči Grada Zenica i na web-stranici Grada Zenica.

Na osnovu Konačne liste, Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.

Ukoliko se planirana sredstva po mjerama iz objektivnih razloga u cijelosti ili djelimično ne iskoriste, ista se mogu preusmjeriti na drugu mjeru unutar Programa.

Kontrolu korištenja sredstava koja se dodjeljuju na osnovu Programa vršit će Služba za privredu, gradsku imovinu i upravljanje razvojem. Ukoliko Korisnik sredstava ne postupi u skladu sa odredbama potpisanog Ugovora, dužan je podsticajna sredstva vratiti, odnosno uplatiti na račun budžeta Grada Zenica.

## VIII STUPANJE NA SNAGU

Ovaj Program stupa na snagu danom donošenja i objavit će se u "Službenim novinama Grada Zenica".

Broj:  
Zenica, 03.2023. godine

**PREDSJEDAVAJUĆI GRADSKOG VIJEĆA**

**Mirza Husetić**